

Acyclovir 200 STADA

Acyclovir 200 mg

Apakah yang ada pada risalah ini

1. Apakah kegunaan Acyclovir 200 STADA
2. Bagaimana Acyclovir 200 STADA berfungsi
3. Sebelum mengambil Acyclovir 200 STADA
4. Cara menggunakan Acyclovir 200 STADA
5. Semasa menggunakan Acyclovir 200 STADA
6. Kesan-kesan sampingan
7. Cara penyimpanan dan pelupusan Acyclovir 200 STADA
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan Acyclovir 200 STADA

- Acyclovir 200 STADA adalah ubat untuk rawatan jangkitan virus (agen antivirus). Acyclovir digunakan untuk jangkitan virus Herpes simplex, herpes genital kulit dan mukus khususnya (herpes genital primer dan yang kerap berulang). Pencegahan pengulangan diperlukan untuk dewasa dengan bentuk jangkitan virus herpes simplex genital yang kerap berulang yang teruk.

Bagaimana Acyclovir 200 STADA berfungsi

- Acyclovir adalah ubat antiviral yang bertindak ke atas sel-sel yang dijangkiti dengan mencegah pertumbuhan virus.

Sebelum mengambil Acyclovir 200 STADA

Bila tidak boleh mengambil

- Jika anda alergic (hipersensitif) terhadap ubat yang mengandungi acyclovir atau valacyclovir, atau mana-mana ramuan Acyclovir 200 STADA yang lain. Jika fungsi ginjal anda terjejas atau keluaran urinari anda berkurangan kepada kurang daripada 100ml air kencing setiap 24 jam, anda tidak harus menggunakan Acyclovir 200 STADA untuk pencegahan kerana tiada data yang tersedia tentang penggunaan Acyclovir 200 STADA dalam keadaan ini.

- Acyclovir telah dikesan dalam susu ibu berikutan pemberian produk acyclovir. Oleh itu, menyusu tidak digalakkan semasa mengambil Acyclovir 200 Stada.

Sebelum anda mula mengambil

- Sila bincang dengan doktor atau ahli farmasi sebelum mengambil Acyclovir 200 Stada.

Jika mengambil ubat-ubat lain

- Sila maklumkan doktor atau ahli farmasi jika anda mengambil atau baru-baru ini telah mengambil sebarang ubat lain, termasuk ubat yang diperoleh tanpa preskripsi. Probenecid (ubat urikosurik untuk gout) mengurangkan perkumuhan acyclovir melalui ginjal, yang boleh meningkatkan pengedaran acyclovir dalam badan.

Cara menggunakan Acyclovir 200 STADA

Berapa banyak harus diambil

- Arahan yang diberikan di bawah diguna pakai melainkan jika doktor telah mempreskripsikan Acyclovir 200 Stada sebaliknya untuk anda.
- Dewasa:
Jangkitan virus Herpes simplex:
Ambil 1 tablet (200mg of acyclovir) 5 kali sehari setiap 4 jam.
Profilaksis bentuk yang teruk dan jangkitan virus herpes simplex genital yang sangat kerap berulang:
Pesakit immunokompetant mengambil 1 tablet (200mg acyclovir) 4 kali sehari setiap 6 jam.
Sesetengah pesakit boleh mencapai profilaksis yang berkesan dengan 1 tablet (200mg acyclovir) 3 kali sehari setiap 8 jam atau 1 tablet (200mg acyclovir) dua kali sehari setiap 12 jam.
Pesakit immunokompromised mengambil dos profilaktik 1 tablet (200mg acyclovir) 4 kali sehari setiap 6 jam.
Pesakit immunokompromised yang teruk, contohnya berikutan pemindahan organ, akan memerlukan 2 tablet (400mg acyclovir) 4 kali sehari setiap 6 jam.

- Kanak-kanak:

Untuk rawatan jangkitan virus herpes simplex, kanak-kanak lebih daripada 2 tahun menerima dos dewasa dan yang di bawah 2 tahun menerima separuh dos dewasa. Pesakit dengan fungsi ginjal terjejas, khususnya yang wujud di kalangan pesakit warga tua, akan memerlukan dos acyclovir yang lebih rendah daripada yang dinyatakan di atas. Jika anda mempunyai masalah ginjal, doktor akan menyesuaikan dos untuk mencerminkan fungsi ginjal anda.

Bila perlu diambil

- Telan tablet seluruhnya dengan cecair yang cukup (contohnya segelas air) selepas makan. Pengambilan cecair yang mencukupi perlu dipastikan semasa terapi Acyclovir 200 Stada, terutamanya bagi pesakit dengan fungsi ginjal yang terjejas. Untuk respons terbaik, terapi Acyclovir 200 Stada perlu dimulakan seawal yang mungkin, iaitu sebaik sahaja tanda atau simptom pertama jangkitan muncul.
- Khususnya untuk jangkitan virus herpes simplex yang berulang, Acyclovir 200 Stada perlu dimulakan pada prodromes pertama(contohnya gatal, lecuran/ketidakselesaan, vesikel awal).

Berapa lama perlu diambil

- Doktor akan menentukan berapa lama anda perlu meneruskan terapi Acyclovir 200 Stada. Dalam jangkitan virus herpes simplex, terapi Acyclovir 200 Stada biasanya akan diteruskan selama lima hari, tetapi keadaan klinikal pesakit boleh menyebabkan rawatan yang lebih panjang.

Acyclovir 200 STADA

Acyclovir 200 mg

Jika terlupa mengambil

- Jangan ambil dos berganda untuk menggantikan dos yang terlepas. Teruskan rawatan anda sebagaimana yang dipreskripsikan. Jika anda telah lupa beberapa dos, atau jika anda tidak mengambil Acyclovir 200 Stada yang cukup, sila rujuk kepada doktor.

Jika mengambil berlebihan (terlebih dos)

- Intoksikasi tidak mungkin selepas dos berlebihan Acyclovir 200 Stada. Dos tunggal 5g acyclovir tidak menghasilkan tanda atau simptom intoksikasi. Namun, tiada data tersedia untuk dos tunggal yang lebih tinggi. Jika anda mengesyaki dos berlebihan, mengalami kesan sampingan yang ketara atau dalam keraguan, pastikan anda bincang dengan doktor tentang apa-apa kebimbangan yang anda ada. Acyclovir dihapuskan dengan berkesan oleh hemodialisis.

Semasa menggunakan Acyclovir 200 STADA

Perkara yang perlu dilakukan

- Sentiasa mengambil Acyclovir 200 Stada tepat seperti yang diberitahu doktor atau ahli farmasi. Anda harus semak dengan doktor atau ahli farmasi jika anda tidak pasti.

Perkara yang tidak boleh dilakukan

Sila tidak:

- 1) Ambil apa-apa ubat lain dengan sendiri.
- 2) Ambil probenecid serentak.

Perkara yang perlu diambil perhatian

Acyclovir telah dikesan dalam susu ibu berikutan pemberian produk acyclovir. Oleh itu, menyusu adalah tidak digalakkan semasa mengambil Acyclovir 200 Stada.

Kesan-kesan sampingan

Seperti semua ubat-ubatan, tablet Acyclovir boleh menyebabkan kesan-

kesan sampingan walaupun bukan semua orang mendapatnya.

Kesan-kesan sampingan yang biasa adalah:

- Pening kepala
- Ruam kulit
- Rasa loya
- Cirit-birit
- Sakit perut

Sekiranya anda mengalami sebarang kesan buruk yang tidak diterangkan dalam Sisipan ini, sila pastikan anda maklumkan kepada doktor atau ahli farmasi.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npa.gov.my [Consumers → Reporting Side Effects to Medicines (ConSERF) or Vaccines (AEFI)].

Cara penyimpanan dan pelupusan Acyclovir 200 STADA

Penyimpanan

- Jauhkan daripada kanak-kanak.
- Jangan simpan di atas 30°C.

Pelupusan

- Ubat tidak harus dilupuskan melalui sisa air atau sisa rumah. Tanya ahli farmasi bagaimana melupuskan ubat yang tidak lagi diperlukan. Langkah ini akan membantu untuk melindungi alam sekitar.

Maklumat lanjut

Rupa dan warna produk

- Acyclovir 200 STADA ialah tablet bulat, putih, dwicembung, tertera VS 1.
- Ia tersedia dalam pek sebanyak 25.

Bahan-bahan kandungan

- Bahan aktif ialah acyclovir.
- Ramuan lain ialah Colloidal anhydrous silica, Copolyvidone, Microcrystalline Cellulose, Magnesium Stearate, Sodium StarchGlycollate

Nombor MAL:

MAL19983993AZ

Pengilang

STADA Arzneimittel AG
STADASTRASSE 2-18
D-61118 BAD VILBEL
GERMANY

Pemegang pendaftaran produk

DKSH Malaysia Sdn Bhd,
B-11-01, The Ascent, Paradigm
No.1, Jalan SS7/26A, Kelana Jaya
47301 Petaling Jaya
Selangor Darul Ehsan

Tarikh kemaskini RiMUP

17/09/2020

Nombor Siri

NPRA(R2/1)201125/563